

# **Badische Landesbibliothek Karlsruhe**

**Digitale Sammlung der Badischen Landesbibliothek Karlsruhe**

## **Gebet- und Andachtsbuch - Cod. Lichtenthal 98**

**Oberrhein, [Anfang des 16. Jh.]**

Ps.-Birgitta von Schweden, 15 Gebete vom Leiden Christi

[urn:nbn:de:bsz:31-35621](https://nbn-resolving.org/urn:nbn:de:bsz:31-35621)

↪ Dyese sint dye aller an-  
dechtigsten: vnd verdienst-  
lichen Eemamungen. vnd ge-  
gebeth. sant beygütten: von  
dem heyligen hyden ihu xpi/  
da von allent halb/ vyl ge-  
streyben wyet / In dem In-  
thydotario: vnd anderswo /  
Von sant beygütten.

**O** heylige frau sant Brigitta:  
aller hützigste. vnd yn-  
brünstigste liebhaberyn vn-  
seres herren ihesu xpi. vnd sy-  
ner heyligen marter. vnd ly-  
dens / Bitt für vns armen sün-  
deren: das wir selig gemacht:  
vnd zu den ewigen freuden  
gesetzt werden: Amen /

45  
**A**ller güttigster her Ihesu  
xpe: mach mich wredig  
dych zeloben: vnd dye ere.  
vnd lob. dynes heyligen lydens:  
vnd ellenden byttern marter.  
vnd todes: zu betrachten:  
vnd zu sagen: gib mir krafft.  
vnd stercke: wyder dyne vy-  
gend: vnd mynen vngünsti-  
gen. Amen / *die erst manung* /

**O** her Ihesu xpe. Syn ewige  
süffigkeit dyner lieb ha-  
ber / Syn freud. vnd vnusprech-  
liches freolocken: das alle an-  
der freud. vnd begyrd über tryfft /  
Syn feste hoffnung: der ver-  
zwyffelten / Syn wdes heyl.  
der düefftigen. Syn güttiger.  
vnd barmhertziger lieb haber:

aller rüwenden. vnd büßenden  
sünder: der du dich bezeugt.  
vnd zu gesagt hast. das dyn  
wollust sye: bye den kynderen  
der menschen / **U**mb des men-  
schen willen: byst du mensch  
worden / am end der zyt / **G**e-  
denck güttiger her ihesus:  
aller dyner vor betrachtung,  
vnd der innern betrübnis:  
vnd schmerzens: dye du yn  
dynem zarten lyb. vnd hertzen  
gehept: geduldet. vnd getragen  
hast / von anfang dyner empfa-  
hunge: In menschlicher natur.  
vnd hertzen / **U**nd am aller mey-  
sten: do sich dye zyt dynes aller  
heylsamesten lydens: vnd mar-  
ter zu nahet: dye in dynem

göttlichen hertzen . von ewyg-  
 keyt . vor betrachtet : vnd vor  
 geordenet was / **G**edenck güt-  
 tiger her ihesus : aller dýner be-  
 trübnyß : vnd bitterkeit / dye  
 du yn dýner sele . vnd gemüte :  
 als du selbest . bezeugt gehept  
 hast : do du sprachest / **M**yn  
 sel yst betrübt : byß in den tod /  
 vnd do du am letzten abent  
 essen : dýnen Jüngerem : dýnen  
 heyligen fron lichnam : vnd  
 dyn rosenfarbes blut gabest /  
 vnd ynne yre füß : demütig-  
 klychen wüsthest / **S**y süsse-  
 glychen . vnd lieblichen tröstest /  
 vnd ynne dye zyt dýnes zu-  
 künfftigen . heyligen lydens .

nden  
 .  
 n  
 ren  
 en  
 th  
 e  
 :  
 t  
 :  
 n  
 zen  
 ren  
 fa  
 u  
 ney  
 ller  
 ar

und marter. verkümttest und  
vor sagtest / Bedenck auch gü-  
tiger her ihesus : alles dynes  
Zytterns : angst. Jamers. Und  
des grossen schmerzens : dye du  
yn dynem zarten lyb. und her-  
zen. vor mych gelytten hast :  
ee du warest gecruziget : do  
du nach dynem dryfeltigen ge-  
bett : am ölberg. blütigen schweyß  
schwytzttest. und us gossst : und  
wardest von dynem eygenem  
jünger verkaufft : und verraten /  
von dynem vferwelten volk /  
geusamliehen gefangen : von  
den falsthen gezügen. vnrecht-  
lich verclagt : und gesthuldiget /  
von deyen rychtern. vnsthul //

47

digklych gerycht: vnd geurteylt/  
in dyner vberwelten statt ihe-  
rusalem. Zu der osterlichen zyt:  
vnd wardest in plüender Ju-  
gent des lybs. vnsthuldigklich  
verdampft. Verraten: erschreckt:  
angegriffen: gefangen: gezogen:  
verspöet: gestossen: dyner ey-  
genen cleyder vbergezogen: vnd  
entloset / Vnd myt andern  
fremden cleydern gecleydet:  
dyne ougen. vnd angesicht  
verbunden: an dynen hals  
vnd wang. heftigklych gesthla-  
gen: nackett an dyc sul gebun-  
den / Stherpffeglych gegeyfflet:  
myt dörnen gekrönet: vnd  
myt eynem vor dynem haupt  
ingedruckt. vnd gesthlagen /

Vnd süß mit wyl vnzalber //  
lichen pynen. vnd schmechung:  
zerrißten. gepynigt: vnd ge //  
müdygt / **O** aller süßster her //  
ihesu xpe: durch dye gedecht //  
niß. vnd betrachtung. dieser  
dyner heyligen maeter: pyn.  
vnd lydens: dye du vor dem  
lyden. dynes crütz. gelitten  
hast / Bitt ich dich. verlych:  
vnd gib mir vor mynem tode:  
eyn wore küsse: vnd brun //  
nen der teehen: mynes her //  
zen / Eyn lutere muntliche  
bycht / Eyn wyredige. vnd  
gnügfsame büßfertikeyt:  
vnd gnüg thun / vnd dar zu  
eyn volkomene vergebung.

Vnd nachlassunge aller my-  
ner sünden / Amen / *my eyn*

**B**egrüßet syest du *wenigen* /  
aller güttigster her ihesu xpe :  
Erbarne dich über mich ar-  
men sünderein / Amen **P**ater

noster / *due maria* / *dye ander*

**O** herre ihesu xpe. *manung* /

Du ware freyheit der engel :  
vnd eyn paradys alles wolustes /  
Bedenck güttiger herre **ih̄s** :  
des geymigen erstreckens :  
vnd geusamkeyten . dye du  
empfyngest . vnd geduldet hast /  
do dych alle dyn vygent : als  
dye geymigen . vnd geusame-  
lichen . starcken löwen . vmb  
sünden : myt erstrocklychen .  
Zornigen ougen : vnd dych

mit rouffen . hals schlägen .  
verfpyen . kratzen . wurgen .  
hyn . vnd her stossen : vnd mit  
anderen ungehörten sharpffen .  
vnd grausamlichen pynlikhey-  
ten . vnd straffungen pynigytent .  
betäubtent : vnd beleygittent /  
Sya du aller süssester her ihu  
xpe : mit was grossen vnrech-  
ten feüelen . lesterungen . eng-  
sten . vnd pynigungen : haben  
dich alle dyne vngend gequē-  
let . beleydiget . bekümmert :  
vnd gepyniget / Vnd durch  
der selben lesterlichen . schme-  
helichen . vnd schantlichen wort :  
vnd zu sprechung . vnd durch  
der aller heertysten schlägen .  
vnd streychen . vnd aller gry-

49  
mýsten. vnd geusamelich gýsten  
straffe: vnd pyn wýllen, da  
mýt dých alle dyne výtgent ge//  
pynmýgent: beleydigent vnd  
bekümerent habent / Byt ich  
dých güttiger her ihesu xpe:  
das du mých erlösest: vnd er//  
ledygest: von allen mynen  
výtgenden. sýchtigen: vnd vn//  
sýchtigen / vnd myre verlyhest.  
vnd gebest: eyn besthyemung.  
des ewigen heyls: Zu fynden.  
vnder dem schatten: dyner flü//  
gelen / Amen / *vñ eyn veyen* /  
**B**egrüßet syest du, aller kost//  
barlych gýster her Ihesu xpe:  
Erbarne dých über mých de//  
me sündereim / Amen / **P**ater  
noster / **A**ue maria gracia /

*die dreytt ermanung /*

**O** her Jhesu xpe: du werckman  
vnd schöpffer der welte  
vnd wyderbringer menschliches  
gestlechtes: den keyn maß.  
mitt waren rechten zyl nahent  
begryffen. noch ermessen mag:  
der du den hymel. vnd das  
erdteyck: myt dyner handt:  
oder sparne besthüffest / Ge-  
denck des aller bittersten  
schmerzen. den du gelitten  
hast / do dyr die vngeteuwen  
juden: dyn aller heyligysten  
hende: vnd dyne aller zart-  
tyste füsse. myt stümpffen  
nagelen: durch stochen: durch

50  
löcheren . vnd an das Crütz  
gehefft haben . Vnd do du kem  
wylten . myt dyner leng . vnd  
breyte . Zu den löcheren . dye  
sy yn das Crütz . geboret hatten :  
myt füglich . noch bequeme  
warest : haben sy schmerzen .  
über schmerzen : dynen hey-  
ligen wunden zu gefügt .  
vnd gemeret : Vnd dich myt  
strücken . also geymelych . vnd  
grüßelich : hyn vnd her gezo-  
gen . vß gespannt : vnd usgestreckt :  
yn dye leng . vnd breyte / dynes  
crützes : das sich alle gelencke .  
vnd glydmof . dynes glyder .  
da von entlöset : Vnd zertrent  
haben / Durch der gedechtniß

willen : des selben dynes aller  
heyligsten : vnd aller bÿttersten  
schmertzens. vnd lydens an dem  
Creutze / **B**ÿtt ich dich aller süs-  
sester her ihesu xpe : das du  
myr gebest. vnd verlyhest :  
dijn götliche forcht. vnd liebe /  
vnd auch die lieb : mynes nech-  
sten / Amen / *mycyn veyen /*  
**G**egrüßet syest du aller myl-  
testen her ihesu xpe / Erbar-  
me dich über mych arme sün-  
derin / Amen / **P**ater noster /  
**A**ve maria / *dye vyerd er //*  
**O** her Ihesu xpe. *manung /*  
du ewiger künig : vnd  
du hymelischer heylsamer ar-  
tzt : menschliches gestlechtes /

Gedenck dynes todmals. ge-  
 schwulst: schmerzens: ian-  
 mers: vnd trübselykeyt: dye  
 du gelytten hast / als du herre  
 erhöcht. vnd erhebt wardest:  
 myt dem hohen galgen. des  
 heyligen crütz: in allen dynen  
 zerrysen glydern: vnder de-  
 nen keyns / an syner rechten  
 statt bleyb / Also. das keyn  
 schmerzen: dynem schmerzen  
 glych gefunden wardt / Wan  
 von der solen dyner füß: byß  
 yn dye sheytel: dynes houbts:  
 was an dye keyn gesuntheyt /  
 vnd keyn fleck vnuerfret /  
 noch dan vergassest du alles

er  
 ersten  
 dem  
 süß  
 st:  
 ebe  
 h  
 yl  
 ve  
 sin  
 e 4  
 g  
 d  
 ar  
 tes

dyner schmerzens: gegen dynen  
vögenden / Und batest dynen  
vatter myltiglych. und güttiglych  
für dye selben: dyne  
vögende also sprechend / Vatter  
vergyb ynem: wan sy wissen  
mytt: was sy thun / Durch  
sollicher wunderbarlichen  
güttykheyt. liebe: Und barm-  
herzigkeyt: und umb der be-  
trachtung. und gedechtnys  
wyllen: des selben dynes schmer-  
zens / Bitt ich dich aller myl-  
tester her ihesu xpe: das du mye  
verlyhest: das dyese betrachtung.  
und gedechtnys: dynes aller  
bittersten schmerzens: lydens:  
und marter: mye sye eyn

volkomne vergebung. vnd  
 nachlassung aller myner sün //  
 den: ey wyderstandt. aller  
 bosheyt. vnd vntugent / Vnd  
 sye myr ein feste besthremung  
 der sele: vnd des lybs: wyder  
 dye anfechtung des tuffels.

Amen / *Nym ein venien /*

**G**egrüßet syest du aller  
 barmhertzigester herre ihu  
 xpe: erbarme dich über mych

arme sünderin / Amen /

Pater noster / Aue maria /

*Dye funfft ermanung /*

**O** her Ihesu xpe: du spyegel  
 der ewygen göttlichen. schöne  
 vnd clarheyt. Vnd du wyfheyt  
 des höchsten vatters / Bedenck

der trübſelykheit. dye du hatteſt  
an dynem hertzen: do du ſahelt  
vnd ~~ſich~~ beſthorweſt. In den ſpie-  
gel. dyner aller durchlüchty-  
güſten. klozyſten: vnd aller  
reyniſten maieteet: dye vſ-  
erkyesung. dyner vſerwelten/  
**V**nd erkantelt auch dye ver-  
werffung der böſen: alſo. das  
dyne vſerwelten. durch das  
vordyenen dynes heyligen  
lydens: vnd bytteren marter.  
ſolten behalten werden/ vnd  
dye böſen. von yrer vndanck-  
bekkheit wegen. verdampft  
werden. **D**urch dye gründ-  
loſe tyeffe. dyner barmher-

zykeyt: do mytt du vns  
 arme verlorne. vnd vertzwy//  
 felt sünders bedacht: vnd myt//  
 lyden. myt vns geheyt hast/  
 vnd besunderich. vns der barm//  
 hertzikeyt wyllen: dye du dem  
 schecher an dem crütz erzey//  
 test: vnd mytdeyltest. da du  
 sprachest: hüt wyrest du bye  
 myr syn in dem paradys. **B**itt  
 ich dich **O** güttiger herre ihu  
xpe: myn gott. myn schöpffer:  
 vnd myn erlediger: das du  
 myr dyn barmhertzikeyt  
 mytdeylest: vnd verlyhest  
 myr eyn ewigs hertz: eyn  
 lutere bycht: vnd eyn ware:

büß: vnd bewyßest mir dyn  
gnod: vnd barmhertzykeit:  
min. vnd in der stund. mynes  
todes / Amen / *my eyn venien /*

**G**egrüßet syest du aller süßy //  
ster her ihesu xpe: erbarm dich  
über mich arme sündereyn / *dmē /*  
**P**ater noster **A**ue maria /

**H**er ihesu *eyn Collect /*  
**x**pe: des lebenden gottes  
sün: empfohe dyß gebette: In  
der übertreffenden liebe: in deren  
du gelytten hast. alle dy wun //  
den dynes heyligen lybes. **A**nd  
erbarme dich über mich ar //  
me sündereyn: vnd über alle  
glaubigen: **S**y sygent leben //  
dyg. oder dot: denen gybe  
barmhertzykeit: gnode: vnd

ablaß der sünden : vnd das ewig leben / Amen / *Dye*

*O* her *sechste ermanung /*

*Ihesu xpe* : du lieblicher künig : vnd gantz begyrellicher . vnd wolustiger fründe / *Ge*denck des schmerzens : *Ja*mers : vnd der betrübnis : *dye* du hast gelytten / do du von allen dynen fründen . vnd bekanten . wardest verlassen : vnd an dem crütz nacktet bloß . vnd so gar erbarmlichen hyngeß : vnd dyne fründe . vnd bekanten . gegen dyr stunden : vnd fandest keynen . der dych tröstet : dan alleyn . dyn aller liebste müter : vnd geberein .

n  
:  
ne  
en  
ly  
dich  
me  
a  
/  
tes  
In  
deren  
un  
vnd  
we  
le  
en  
md

dye jungfrau maria: dye  
dye yn bitterkeyt yrer sele:  
myt gantzen trüwen: an  
dynem letsten end. Vnd todes  
nöten byestünd, dyedo dynem  
lieben iünger sant Johansen  
befalchest: Vnd gabst yr yn:  
für dych: Zu eynem sun:  
also sprechende / Wyp / Wym  
war: das ist dyn sun / Vnd  
Zu dem iünger / Nym war:  
das ist dyn müter / O aller  
miltester her ihesu xpe:  
durch das schwerte des smer-  
zens: das do dye sele: vnd  
das hertz: dyner lieben müter  
durch gantzen hat: vnd durch  
die begyrede: die du myt dem

mütterlichen schmerzen. mit  
 lyden gehept hast / Bytt ich  
 dich. das du mytthyden mit  
 mir habest : vnd mir zu  
 hylff komest : yn allen mynen  
 trückseligkeyten : wyderwer  
 tygkeyten : kranckheyten :  
 sorgfelygkeyten : anfechtungen :  
 nottuefftygkeyten : engsten :  
 vnd nöten tder sel : vnd lybs /  
 Vnd gib mir tröstung yn al  
 ler zyt : in myner betrübnis /  
 Amen / *myn eyn vemyen* /  
**G**egrüßet syest du aller be  
 gyllychyster her ihesu xpe /  
 Gebarme dich über mich ar  
 me sündereim / Amen / **P**ater  
 noster **A**ue maria gēa /

8

**Die sybende Sermonung /**

**O**herre Ihesu xpe: eyn kron  
der freulichheit: eyn schatz der  
seligkeit: eyn brüme. vnd vrsprung  
des trostes / Vnd der  
vnserstöpfflichen myltikeit:  
vnd gütykeit: der du us yn-  
nerlichster begyrlicheit dyner  
liebe: an dem Crütz hangend:  
gesprochen hast / **M**ich dürstet:  
Das ist namlich. nach dem heyl  
des mönstlichen geschlechts /  
Bytten wir dich her ihesu  
xpe: das du vns enzündest.  
vnd zu lassst. eyn hützighe be-  
gyrede: zu allen volkumen  
wercken: vnd den dirst. der  
fleyshlichen begyrlichkeiten:  
vnd dye spys: vnd dye hütze:

der mōnsthlychen: vnd welt-  
 lichen lieb: vnd wolustes: in  
 vns gantzlich erkeltest: vnd  
 uslesthest / Amen / *my ein*  
**B**egrüßet syest du *venyen* /  
 aller Zarttester her Ihesu xpe:  
 Erbarme dich über mich ar-  
 me sünderein / Amen / **P**ater  
 noster / **A**ue maria / **D**ye  
**O** her *acht Ermahnunge* /  
Ihesu xpe: *Ein* wares lycht.  
 der gläubigen: vnd ein über-  
 treffliche grosse ewige süßig-  
 keyt: vnd trost der hertzen /  
 vnd gemüte / **D**urch dye byt-  
 terkeit des essigs: vnd der  
 gallen: dye du yn der stund.  
 dynes todes: an dem heyligen  
 crütz: vmb vnseren willen ge-

schmeckt: geköst: vnd versucht  
hast / Verlyhe vns armen sün-  
deren wyrdigklychen. vnd  
fruchtbarlich. Zu empfangen.  
dynen heyligen fron lychnam:  
vnd dyn heyliges rosen farbes  
blüt: zu aller zyt: vnd be-  
sunderlich: in der stünd. vnser  
todes: vnd das heylig öl: zu  
eyner artzneye: trostung. vnd  
heyl: vnser selen vnd lybs:  
vnd das wyrt nyt. den selben:  
vnd andern dynen heyligen  
cristenlichen sacramenten:  
yn wyder empfangung. also  
bewart werden: das vns  
dye: werden eyn sicher geleyt:

vor dýner almechtykeit :  
 frölich zu° ersthynen Amen /

**G**egrusset *nym eyn venyen* /

syest du aller senfftmutigester  
 her Ihesu xpe : erbarme dich

über mich arme sünderin Ame /

**P**ater noster **A**ue maria /

*Dye neünd ermanung* /

**O**herre Ihesu xpe : du kü-  
 nigliche krafft : vnd tu-

gent : vnd vnusprechenlich  
 geystliche fröud des gemütes /

Gedenck des angstlychenn

schmertzens : den du vmb

vnseren wyllen gelytten hast :

an dem heyligen Crütz : da

du durch dye grossen bytter-

keit dýnes todes : vnd durch

der Juden überflüssige reytzung.  
verspottung: lesterung. vnd  
vngestymmygkheyt. myt gros-  
ser stym: vnd myt vyl tre-  
heren sthreyest: als ob du  
von gott dynem hymelsthem  
vatter verlassen wüdest:  
sprechend / helai. helai. lam-  
ma. azaphthani / Das ist:  
ayn gott: myn gott: weye  
hastu mych verlassen / Durch  
der selben angst: vnd sthmer-  
zens willen / Bytt ich dich  
demütigklych. gütiger her  
Jhesu xpe: das du mich. myn  
gott: vnd her. nimm / vnd yn  
den engsten: vnd der stund:  
mynes todes. myt verlassest /  
Amen!

58  
my eyen verijen / **G**egrusset  
syest du aller gedultigester  
her Ihesu xpe : erbarme dich  
über mich arme sünderin /

Amen / **P**ater noster **A**ue  
maria / **D**ie x. **e**rmahnunge /

**O** her Ihesu xpe : Alpha.  
vnd **O** : erster. vnd letzter :  
eynigung / tügent vnd krafft // vnd  
anfang. vnd ende : in allen  
myttelen / **G**edenck . das du  
dich von der höhe des houp //  
tes . byß an dye solen dyner füß :  
vmb vnseren wyllen : vnd für  
vns : yn das wasser des lydens  
der pynigung . vnd matter :  
ver senckt hast . durch dye  
lengte : breyte : größe : vnd  
manigfaltigkheit dyner

heyligen wunden / Bitt ich  
dych lieber herre Ihesu xpe :  
leere mich durch ware lieb. zu  
halten : vnd zu volbringen :  
dyne fast wyte : vnd breyte  
gebotte : vnd nym mich yn  
dya liebe / Amen / my venien /

**G**egrüßet syest du aller für  
sichtigyster her Ihesu xpe :  
erbarne dich über mich ar  
me sündern / Amen / Water  
noster Aue maria / Collet /

**H**erre Ihesu xpe : des leben //  
digen gottes sun : enpfohe  
dys gebette / in der über treffen //  
de liebe : In deren du gelitten  
hast : alle dye wunden . dynes  
heyligen lybes : Vnd erbarne  
dych über mich arme sündern :

59  
vnd über alle andere sündere:  
vnd über alle gläubigen: sy  
sygent lebendig. oder dot: de-  
nen gýbe barmhertzigkeit:  
gnode: vnd ablas der sünden:  
vnd das ewyg leben / Amen /

*Wye eylfft ermanung /*

**O** her Jhesu xpe: du obrýste.  
vnd höchste gütikeyt: du  
ewyge selikeyt dyner heyligen /  
Vnd du dyeffe: der aller gründ-  
losysten barmhertzigkeyten /  
Ich bytte dich. durch der tyeffe  
wyllen dyner heyligen mun-  
den: dye durch drungen. vnd  
durch gangen haben dyn  
fleysh: das marck dyner beyn:  
vnd das ynneryst dyner yn //

geweydes . geēders : vnd geder //  
me : das du mich arme sūnde //  
rin / dye in den sūnden ertrunc //  
ken ist : versenckest . vnd ver //  
bergest . in den löcheren . dyner //  
heyligen wunden : vor dem //  
angesicht dynes Zornes : so //  
lang : byß dyr her . dyn geym //  
mykheit . vnd Zorn : vergangen //  
ist / vnd myr dyn barmherz //  
heit myt geteylt wyrt . Amē //

**G**egrüßet *nū ein venien* //  
syest du aller mechtigester her //  
Ihesu xpe : erbarme dich über //  
mich arme sūnderin / Amen //

**P**ater noster **A**ue maria //

*Dye zwelfft ermanung* //  
**O** her Ihesu xpe : du Seych . //

der eynikeyt. Du band der  
 liebe: vnd spyegel der ewy-  
 gen klarheyt: vnd warheyt/  
 Gedenck der manigfaltig-  
 keyt dyner vnzalbaren wu-  
 den: myt den verwundet.  
 vnd verferet was aller dyn  
 lyp: von der höhe dynes  
 hauptes: byß zu den vnder-  
 sten. dyner solen: vnd von  
 den schänden boshaftigen.  
 vngüttigen. vngerechten.  
 vnd onbarmhertzigigen hun-  
 den den iuden: aller dyn lyp  
 zerwissen: vnd mit dynem  
 aller heyligysten. vnsthuldi-  
 gen blüt: dyner wunden

gerüet: welche gröſſe der  
ſchmertzen. vnd pyn: du yn  
dinem Jungfroulichen lich-  
nam. vſ rechter liebe: für  
vns geduldet. vnd gelytten  
haſt / **O** güttiger her Iheſu  
xpe: was ſolteſt. oder mocht //  
teſt du. über das alles: mee  
gethon haben: das du nyt  
gethan haſt / Ich bitt dich  
güttiger her Iheſu xpe: ſchryb  
alle dyne wunden. nyt dynem  
düreſten koſtbarlichgüſten.  
vnd edlyſten roſenfarwen  
blüt yn myn hertz: das ich  
den ſelben müge leſen. vnd  
ermant werden: Zu betrach //

61

ten dynen grossen schmercken:  
vnd ynbrünstige liebe: **d**omyt  
dye selb gedechtnis. alwegen  
bye dyr geheym: mynes hertz //  
en blybe / Vnd der schmercken  
dynen marter. tēglichen yn  
myr ernūwet: vnd dye liebe  
gemeret werde: da myt ich  
dyr vnderthenyge danckber //  
keyt. vnd lob stetigklychen:  
darumb sagen müg / byß zu  
dem end mynes lebens. so  
lang: byß ich kome zu dyr  
begyrlichen schatz: aller gü //  
tikeyt / vnd erfüllt werd aller  
freuden: das du myr aller  
süßyster her ihu xpe: wyre //  
dygklych wollest zu verdienen

verlyhen : yn mynem leben /

**G**e // **ny** **eyn** **venyen** **Amen** /  
grüßet syest du aller sthyn //  
bawlychgyster her **Jhesu xpe** :  
erbarme dich über mich ar //

me sündem / **Amen** / **P**ater  
noster **A**ue maria / **D**ye

**O** **d**ry **c**este **e**xmanung /  
her **i**hesu **x**pe : du aller  
sterckester lew : du vntötl //  
cher . vnd vnüberwintlich //  
gyster künig / **G**edenck des  
angstlichen lydens . vnd  
stymertzens : den du do ge //  
duldet . vnd gelitten hast /  
do dyr alle krefft dynes  
hertzen . vnd lybes : gantz  
entgyengen : vnd verswunden /

Vnd do myt geneytem houbt:  
 ym schmerzen des todes spra-  
 chest / **E**s ist alles volbracht /  
 durch der selben dynen angst.  
 vnd schmerzens wylle / **b**yt  
 ich dych myltester her ihesu  
 xpe : das du dich über mich  
 erbarmest : vnd myr zu hylff  
 komest . **n**un : vnd an dem  
 letzten süfftzen . mynes lebens .  
 vnd endes : so myn sel in eng-  
 sten stet : vnd myn geyst be-  
 trübt wirt / **A**men / **v**ermyen /  
**G**egrusset syest du aller ed-  
 lyster herre Ihesu xpe : er-  
 barme dych über mich ar-  
 me sünderin / **A**men **P**ater  
 noster / **A**ue maria gracia /

*Die vierzest exmanung /*

**O**her Ihesu xpe : du eyngel-  
borner sun . des aller ober-  
sten vatters / Ein schyn der  
eren . vnd glory : vnd figure :  
vnd gestalt syner substantz .  
vnd wesen / Gedenck der  
Innigklychen befehlmyß :  
da myt du herre ihesu xpe .  
got dynem hymelischen  
vatter : dynen geyst befehlest /  
do du myt luter stym schrey-  
est . vnd sprachest / Vatter :  
yn dyn hend : befehl ich  
mynen geyst / Vnd myt ge-  
neygtem haupt : gabest uff  
dynen geyst . vnd hyngeest ge-

nagelt. an dem crütz: mit  
 zerrißsen: zerthlagenen:  
 vnd todtem lyb: mit blütigen  
 wunden: mit fließenden becken:  
 mit bleycher farb: mit döt-  
 licher gestalt: mit gekröntem  
 haupt: mit dornen: mit uf-  
 gesteckten henden: mit zer-  
 spanten armen: mit geoff-  
 neten yngeweyde: vnd gly-  
 den dynen barmhertzykeit:  
 mit trerenden dunckelen  
 ougen: mit offenem münd:  
 mit durch stochener syten:  
 mit zerbrochenem verwun-  
 tem hertzen: dar us entsprun-  
 gen ist. der vnersthöpfflich  
 brunn: aller selygkcyten:  
 vß welchem vns geflossen

synt: dye syben heyligen sa-  
crament / Also guttiger here  
Ihesu xpe: hast du geben dy-  
nen heyligen vnsthuldigen  
lyb: für vnser sünde / In den  
bitteren tod: vnd erbarm-  
klych vffgeben dynen geyst:  
an dem heyligen Crütz: dy-  
nem hymelysthen vatter.  
vmb erlösung wyllen vns  
armen sündex / **O** her ihu  
xpe: du vatter der barm-  
hertzykeit: vnd mechtiger  
künig / aller heyligen: durch  
dynen kostbarlychgysten.  
dürysten: vnd vnsthuld-  
gysten tod: vnd durch dye  
krafft des heyligen Crützes /

Byt ich dych . sterck . vnd  
 krefftige mich : das ich krefft-  
 tygklych müg wyder ston  
 dem tüffel : der welt : dem  
 ffleysth : allen sünden : vnd  
 ungeordeneter begyrde :  
 da myt ich gegen der welt tod  
 sye : vnd alleyn dyr leb : vnd  
 yn der letzten stünd . mynes  
 lebens : vnd vfgangs dyser  
 welte : so empfach zu dir .  
 mynen armen ellenden byl-  
 gramysth . vnd fremden .  
 wyderkerenden geyst / Arme /  
**G**egrüßet my eyn venyen /  
 syest du aller tugenthaffty-  
 gyster her Jhesu xpe : Erbarme  
 dich über mych arme sunderin /  
Amen /

**P**ater noster / **A**ue maria /

**O** *Wye funffzest emanung* /

**O** her Ihesu xpe : du warer  
vnd fruchtbarer wynstock /  
Gedenck der überflyessenden  
vnd übersthwengklichgysten  
vergyessung . dynes heyligen  
bluts : das du von dynem lib :  
als von eynem vfgedruckttem  
wyntrauben . so huffenlich :  
vnd zyrlich vergossen hast : do  
du dye drotten . vnd wynnpreß .  
an dem heyligen Crütz : vnn  
sonnygklych alleyn gedretten  
hast / **V**nd durch das rytter //  
lich spex : yn dyn heylige syten  
gestochen : vnd blüt . vnd was //  
ser . dar us myltiglych ge //

sthenckt hast. also: das der  
 aller mynst: vnd kleynest  
 tropff. yn dyr mytt blyben ist/  
 Dar nach wardest du ver-  
 dorret: als eyn vffgehencs  
 myreen buchstin / Vnd dyn  
 zartes reynes: vnd wunsa-  
 mes fleysth ~~f~~sthywand. vnd  
 versthmeltzet: dye fuchtikey-  
 ten dyner yngeweyde: vnd  
 gelyder druckneten: vnd ver-  
 dorreten vf: vnd das marck:  
 dyner beyn: versthwandt /  
 O aller süßyster herr ihu  
xpe: durch dyn aller hoch-  
 gultygest kostbarlichstes.  
 vnd dürest blüt vergyessen:  
 vnd durch dyn aller byttereste

marter. vnd ellenden tod,  
Vnd durch alle dyne heyligen  
wunden / Byt ich dych. ver-  
wunde myr süßigklych myn  
hertz: myt dynen heyligen  
wunden / Vnd en-zünd mich  
yn dyner liebe: da myt dye  
tréher myner büß. vnd liebe  
werden myn tégliches brot:  
tag vnd nacht: vnd bekere  
mich gantzlich zu dir: vff  
das myn hertz dir werde  
ewycklichen eyn wolgefellige  
wonung: vnd myn hande-  
lung. vnd wyckung. In die-  
sem ellend werde dir beheng-  
lich gefellig: vnd angenehm:  
vnd das ende mynes lebens:

also löblich. vnd verdienst-  
lich / das ich noch dem ende :  
vnd besthluß dyeses lebens :  
wredig werd : dych mit  
allen dynen heyligen zu lo-  
ben. ymmer vnd ewygtlichen /  
Amen / *nyjm eyn venyen /*

**G**egrusset syest du aller  
wredigster her Ihesu xpe :  
erbarme dich über mich  
arme sünderin / Amen /

**P**ater noster / **A**ue maria /

**H**ere ihesu eyn Collect /  
xpe. des lebenden gottes  
sün. empfohe dyß gebette. In  
der übertreffenden liebe : in  
deren du gelytten hast alle  
dye wunden. dynes heyligen

lybes. vnd erbarme dich über  
mich arme sünderin: vnd  
über alle andere sündler:  
vnd über alle gleybigen:  
sy sygent lebendig. oder dot:  
den gybe barmhertzikeyt.  
gnode: vnd ablas der sünden:  
vnd das ewig leben. Amen /  
*Ein Hybsthen gruß: Zu allen*  
**O***hre heylsa<sup>n</sup> wunden xpi /*  
men wunden. mynes  
aller süssesten liebhabers  
Ihesu xpi: Sygent gegrüß<sup>n</sup>  
set in der almechtikeyt  
gottes des vatters: der uch  
vns hat gegeben. Zu eynem  
zu flucht: vnd artzneye /

Sygent gegrüßet in der  
 wiffheyt des sunes: der yn  
 uch durch vns sünders. schmer-  
 zen groß: vnd wee erlytten  
 hat / Sygent gegrüßet yn  
 der gütykeyt des heyligen  
 geistes: der do genediglichen:  
 vnser selen heyl. durch uch  
 gewuocket hat / Gloria  
 patri et filio et spiritui sco:  
 Sicut erat in principio et  
 nunc et semp: et in secula se-  
 culoru amen / *Antyphona* /

**A**ls vnser her Ihesus xpus  
 in synen tödtlichen engsten.  
 vnd nöten was: bittet er  
 lenger: vnd schwermütig //

klicher .do ward syn sthweys  
gtych als blutz tropffen . dye  
do ablieffen vff dye erden .

Kyrieleyson Epeleyson /

Kyrieleyson / Pater noster /

Aue maria / Vnd nyt leyte  
vns yn bekouung : Bunder

löse vns von übel / Serfickel /

heer myn gott . dye wyl  
du erlichtest hast myn la

tern : So erlichte mye ouch  
myn fenstere : her erhör

myn gebett : Vnd myn ge

schrey kume zu dye : Collect /

**A**lmechtiger gott . der durch  
dyn eyngebornen sun :  
vnseren lieben herren Jhe  
sum xpm : als er durch der

angst wylten. der zu fallen //  
 den todsnöt: blütigen schweiß  
 vergossen hat. Zum dreytten  
 mal gebetten byst worden /  
 Bytten wir dich. das du uns.  
 durch syner angst. und byt //  
 tern lydens. und marter  
 wylten: von allen engsten  
 des gemütes. lybes: und der  
 sel: yetz. und zu der stunde.  
 vnseres todes: mit dyner  
 macht: und durch dye rech //  
 ten bandt. dynes gewaltes:  
 erlösest. und erledigest:  
 durch den selben vnsern  
 herren Ihesum xpm / Amen /  
 der beschlusse /

**A**ller liebster her Ihesu xpe:  
dyese vorgespochene ex-  
manung. betrachtung. vnd  
gebett: dynes bÿtteren. vnd  
heyligen lydens. vnd marter:  
opffer ich dyr her Ihesu xpe:  
vnd sag dyr grof vnzalber-  
lichen. vnmeflichen. vnd  
on entlichen danck: vmb  
dyner aller heyligÿsten  
wunden: vnd dynes aller  
kostbarlichgÿsten. rosen-  
farben bluts wÿllen. vmb  
dynes aller erlichgÿsten.  
vnd aller gÿttigÿsten lydens:  
vnd marter: vnd vmb dy-  
nes aller bÿttersten todes

69

wyllen: vnd für alle dyne  
vnmessliche. vnd vnzalber-  
lichen gütteten: dyner barm-  
hertzigysten gütykeyten: mir  
bewysen: zu lob: glory: vnd  
ere: dynes aller süßisten:  
vnd aller heyligysten na-  
mens: ymmer vnd ewyg-  
klich / Amen /

**O** Ewiger gott. hymelischer  
vatter: von dyner aller  
fruchtberlichgysten. vnd  
vnersthöpfflichen güte. dy-  
ner süßikeyt: vnd von dyner  
vnvnsprechlichen erbarm-  
ung. der myltigkeyt / Bitten  
wey dich hymelischer vatter:

yn gutem vertruwen: das  
du vns durch dynen eyngel-  
bornen sun: vnseren lieben  
herren Ihesum xpm: vnd  
durch syner heyligysten ly-  
dens: vnd marter: vnd sy-  
nes aller bittersten todes  
wyllen: vñ dylgtest. vnd  
nachlassest dye laster vnser  
sunde: vnser mangel: vnd  
gebresten erfüllest: vns vn-  
ser schuld vergebest: vnd vn-  
ser hertz. altzyt da hyn ke-  
rest: vnd anhefftest: do vil  
heyligen wunden: vñ lieb  
durchstochen syndt: mit  
schmertz in vnserem her-

ren  
vnd  
heylig  
ter:  
wylle  
all ye  
nich  
selben  
myr  
erfolg  
heutz  
amen  
der heyl  
men so  
habst  
stetige  
tig. vñ  
gott 3  
mave

70  
ven Ihesu xpo / dynem sun:  
vnd durch des selben aller  
heyligysten lydens. vnd mar-  
ter: vnd aller bittersten tods  
wylten: allen gleubigen selen:  
all ye sund vergebest: vnd  
nachlassest: da mytt dye  
selben all gleubig selen: vnd  
wyr verdienen mögen. Zu  
erfolgen dye ewygen barm-  
hertzigkeyt: vnd seligkeyt,  
Amen / *hyc endent sich dye gebett  
der heyligen frawen. vnd wyt-  
wen sant brygitta / So der  
babst bonifacius der ix. be-  
stetiget hat / vnd synt andech-  
tig. vnd verdienstlich zebetten:  
gott zu lob. vnd syner heyligen  
marter / Amen /*